

البنيت والبيديحة أوتنه في قديم الزمان تزوج رجل بإمرأة، وجاب منها بنت وايد حلوة، بس بعدها بفترة ماتت الأم وتزوج الأب مرّة ثانية بحرمة وايد وايد شريرة، وجاب منها بعد بنت وحيدة، دلعت بنتها على قد ماتروم ، أما بنت زوجها فعذبته وايد، خلته تكنس الغرف وتغسل الصحون وتنظف البيت كامل، المهم إنها ما خلته ترتاح أبداً مثل بنتها وكانت تكرهها كثير. الأب كان يشتغل صياد وكان دايمًا يطلع البحر يصيد ويجيبهم السمك كل يوم يطبخونه ويأكلوه، في يوم من الأيام طلع الأب يصيد كالعاده ورجع البيت وجابلهم ست بدحات إللي صادهن وطلب من حرمة إنها تطبخهن بس الحرمة خلته بنت زوجها تطبخه، المهم إن البنيت بدأت بتقطيع البده وحدة وحدة، وقطعت خمس بدح وبعدين شافت إن البدهة الأخيرة بعدها ما ميتة، شافتها تتحرك وتتكلّم بعد، كانت تستنجد من البنيت وتقول لها: رجعي البحر، وأنا بعطيك وبسويك إللي تريديه مني وبدون تردد، وأطلقتها في البحر، ولما رجعت البيت جهزت الغداء لأبوها وعمتها، وين البدهة السادسة؟ ، إن البدهة كانت حيّة وأنا وديتها البحر، وقامت عمتها تسبها وتشتمها وتضربها، وقالت لها: اليوم ما بتتغدي ولا بتتعشي عقاباً لك عشان ما تعيدها، وبعد ما خلصوا الغداء قامت البنيت تغسل الصحون، وما حطولها غداء مسكينة، كلوه عنها كله. لا عشوني ولا غدوني، وراحت البدهة. وبعد فترة تقدم شاب بطلب يد البنيت (بطلة القصة)، وطبعاً عمته وايد غارت لأنهم ما خطبوا بنتها، وفكرت بخطة بحيث إن الشاب ما يحب البنيت ويشرد منها، فجلست تفكر وتفكر وتفكر، وبعد طول تفكير توصلت العمة إلى فكرة وهي: إنها تخلي البنيت تاكل مالح وعوال لحد ما يصيبها إسهال، العمة جلست تأكل البنيت المالح والعوال لحد ما سبب لها ألم ف بطنها، ولا يهمش حبيبي، وبخلي فيه ذهب. وطبعاً ف يوم زواج البنيت بالشاب ، بغت البنيت تروح الحمام (الله يعزكم) لتقضي حاجتها وطلبت من زوجها إنه يفرش وزاره بالأرض عشان تقضي حاجتها عليه ، وهي أصرت على هذا الطلب، وبعدها بدأت تقضي حاجتها وأستغرب الزوج إنه شاف الذهب منها، وأنتشرت السالفة ف البلاد إن البنيت من أكلوها مالح وعوال قامت تسوي ذهب، العمة الغبية سوّت نفس الشئ مع بنتها، ف يوم ،زواج بنتها قامت وأكلتها عوال ومالح، وظننت إنه بيصير لها نفس ما صار لأختها ولكن ما صار